



Universitätsbibliothek Paderborn

**Floremundi Raemundi V. Cl. Olim Consiliarii Regis
Galliarvm Ex Calviniano Catholici Synopsis Omnia hujus
temporis Controversiarum tam inter Lutheranos,
Calvinistas quam alios plurimos. Sive Historia ...**

**Raemond, Florimond de
Coloniae Agrippinae, 1655**

VI. Idem in Coena Domini non Calicibus sed poculis & vitris utuntur.

urn:nbn:de:hbz:466:1-10880

Catholicus ab opere faciendo abstinere. Saltem ante postremam illam Ecclesiam Catholicam restitucionem, de qua infra acturus sum, mos iste obtingebat. Quo sit, ut non in eo honore habeatur, dicit Dominicus a Deo institutus, in quo habetur dies a Synodo indictus? Quae causa est, cur non precemini iunctis & eleuatis manibus? Quare ridetis nostras illas brachiorum decussationes, pectorum percussiones? Propterea, inquit, quia id Paganismum & Papismum sapit. Quae causa est, cur in cœribus vestris ante adventum Ministri non audeatis precari? Nam si quis procideret in genua, illlico ejiceretur cœtu. Quia apud nos omnes in genua prostrati, orant aut orare debent, externalique illis gestibus tanta magis sese humiliant, ad testificandum honorem, quem Creatori suo reddunt. Ita fecerunt primi Christiani, qui quoties intrabant Ecclesias, Saluiano teste, in terram prosternebantur.

VI. Quamobrem in Cœna vestra vitro utimini, non Calice? Propterea quia nos ex traditione Apostolorum, tanquam vase idoneo & convenienti cultui divino remotoque à communione & profano more, cuius formam cœlitus demissam fuisse, ni fallor à Iosepho scriptum est. Nota, Calviniane, quod libro De pudicitia Tertullianus scribit: *Calices Christianorum Salvatoris nostri sculpti & imaginibus veris insignitos fuisse.* Pastoris formam representantibus, Cassander in Liturgiis suis facetur, omnes Christianos Orientis Calicibus vti. Quot, quæso, Calices & vasæ sacra sunt à vobis liquefacta? Idem olim fecit Julianus, qui quum in Ecclesia iam adulta tantum preciosorum vasorum conspiceret indigoabundus exclamauit: *Proh, qualibus vasis isti colunt Maria filium!* Nec mora: omne illud aurum atque argentum conflatum, & in alias vasas conversum fuit. Quod eius scelus non impune Deus dimisit. Quare Cœnam appellatis actionem illam vestram, qua Corpus Christi per fidem recipere vos creditis? Propter ea quod à Catholicis & omni Christiana antiquitate eadem appellatur Eucharistia, hoc est, gratiarum actio, quod Ecclesia à Christo relata fit, ut mortis & passionis suæ tropæum & memoriale quoddam esset. Hunc cibum inquit Iustinus Martyr Eucharistiam appellari. Idem tradunt Irenæus, Origines, alij, D. Bernardus Sacramentum hoc Eucharistiam appellari tradit, eo quod non tantum omnis in eo gratia accipiat; sed etiam ille ipse à quo omnis gratia promanat. Agite au-

tem vos, quibus semper in ore est Scriptura, locum nobis ostendite in Scriptura, aut apud veteres, ubi Sacramentum istud appellatur Cœna. Nā locus ille S. Pauli in priore ad Corinthios, tantum de coniuvio illo loquitur, quod ad imitationem Cœnæ illius, quæ Eucharistia institutionem præcessit, Christiani celebrabant quod illi vocabant Agapas. Et Paulinus noster scribit suo tempore mensam fuisse in Ecclesia, quam appellabant Mensam Domini, quia à ditionibus tenuiores excipiebantur. Observandum fuerat vobis, quod à S. Luca, Paulo & Ioanne scribitur, Dominum nostrum post celebratam cœnam Discipulorum pedes lauisse, antequam Sacramentum institueret, & corpus suum daret. Estque hæc omnium Doctorum sententia Gædam illam fuisse Agni Paschalidis, & Cœnam communem. Et cur non potius valuatorem imitamini, qui ipse eam vocat Pascham? Omnes Evangelistæ Graeca voce vtuntur, unde nos Eucharistia appellatione desumimus. Quid si apud S. Cyprianum & Bernardum inveniuntur Sermones De Cœna Domini, animaduertendum est, Sanctos istos Patres de illis Cœnationibus loqui, quæ post Communem & Eucharistia præceptionem in Ecclesia fiebant. At quum de magno hoc Mysterio agunt, nemo illorum id appellat Cœnam, nisi raro admodum, & per Metaphoram Ambrosius, in dictum locum ad Corinthios, *Apostolos*, inquit sati ostendere, *mysterium Eucharistia non esse Cœnam, quamvis celebratum sit inter cœnandum.* Evidem ientaculi nomen aptius huic Sacramento, quam Cœna imposuissetis. S. Paulus etiam pro nobis facit, Corinthios reprehendens, quod parum essent sobrij, quodque sese inebriarent, simulque illis exprobans, quam tenuiter in Cœna illorum pauperes viuerent. Nam quenadmodum Dominus discipulos suos, sic isti pauperes inuitabant. Itaque quum dicit Paulus, *Alius famelicus est, alius ebrios,* non de Corporis Domini perceptione loquitur; sed per illum, diuitem & conviuatorem; per hunc, pauperem intelligit. Postea vero abrogata sunt ista conviuia à Concilijs, quorum est ordinem politiamque Ecclesia præscribere. Græci nihilominus vestigia istius antiquitatis hodieque retinent, die enim Pascha, post suam sacram Eucharistiam, solenne convivium in Ecclesia celebrant. Et illo tempore, quod inter Pascha & Pentecosten interiicitur, loco salutationis obuios compellant his verbis *Dominus resuscitatus est à mortuis.* Sed quid est cur Cœna vestri sumatis ita-

stances, quemadmodum Iudæi Agnum Paschalem? Quia in nostræ Eucharistæ perceptione, quia aperiendæ sunt fores animarum nostrarum ad recipiendum antitodium mortis & peccati, Catholici in genua procumbunt, ut & Lutherani. Cur ad menam istam nonaunquam acceditis, iam pasti? Quia magnum peccatum est Catholicis, Communionem recipere non ieiunos. Vidi aliquando Reformatæ Ecclesiæ homines ad S. Macarij fanum concionis audiendæ gratia proficiscentes qui medio itiuere in cauponam deflesterent, ubi sumptuoso cibo, alacrius deinde pergebant ad celebrandam cœnam, ad manducandum corpus Domini, quod in ipsos per canalem velut descendit & distillat, ut Calvinus loquitur. Verum esse quod dico, plures præter me testantur. Non me latet esse temperantes quosdam, qui damna etiam ingluviem: sed peccatum esse, paullum panis & vini sumere, nemo dicit. Idque propterea, quod hoc Scriptura non prohibeat. Quemadmodum ne hoc quidem, à prædio Cœnam celebrate, ut infra à me dicetur, quum ordinem quem in Cœna observant, describemus. Videte quid dicat Augustinus: Placuisse nimurum Spiritui sancto, ut propter honorem & reverentiam tanti Sacramenti ante omnem quemcumq[ue] cibum corpus Domini nostri Christianorum ora ingrediatur. Sanctus hic Episcop⁹ a maioribus sui id accepérat, illiā Tertulliano: (a) & hic ab Apostolis. En Traditionem Apostolicam. Quod si omnino imitari quod Dominus fecit, velleatis, accumbentes debetis panem sumere, quod Belge & Scotti faciunt. Alij aliorum deberitis pedes lavare, quod diserte Dominus præcepit, dicens: Si ego lavi pedes vestros, Dominus & magister, & vos debetis alter alterius lavare pedes. Sane in Ecclesia Catholica & Episcopi & Monachi morem hunc observant. Episcopus, immo & summus Pontifex, pauperum lavat pedes, & Monachorum, quem Gardianum seu Abbatem appellant, die Jovis in septimana sancta, quem ritum vos ridetis: at primi Christiani omnes eum servarunt. Observanda est autem prudentia Ecclesiæ Dei in hoc, quod quum lotionem illam multi pro baptismo interpretarentur, populo ea interdixit, ut videre est apud D. Augustinum. Ex quo satis iam appareat cæcitas vestra, qui ab eo, quod bonum & sanctum est, non aliam ob causam abhorretis, quam quia id in Ecclesia Catholica receptum est: aut quia Pagani, doctrinæ traditionis que Judæorum plagiarij, eo sint usi. Quæ causa est, ob quam Calvinus, vestra doctrinæ auctor, tā

nudam eam vobis exhibuerit, ut nulla appareant in ea religionis vestigia. Neque enim instruere eam necessarijs suis ornamentis poterat, nisi à nobis ea mutuaretur, quod facere non voluit. Docete orbem Christianum novum aliquem morem, maiore cum ardore, affectu & reverentia precangi a dorandique Deum; & lubenter nos cum amplexu ros experiemini. Sed de novo esset vobis nova Ecclesia ædificanda. Nam vestra illa, quam iam agrediat describere, nihil tale in se habet.

QVOMODO CALVINVS ECCLESIA
siam instituerit, capite destitutam: & tam
nomina quam munera Episcoporum &
presbyterorum ex ea profigatur.

CAPUT V.

ARGUMENTUM.

- I. Calvinistica Ecclesia sordes & deformitas.
- II. Ecclesia Calvinistica nullum habet caput.
- III. Domus Dei in terris eius quæ in celis est, similitudinem referre debet.
- IV. Unitas sine certo capite conservari nequit.
- V. Calvinus Episcoporum & presbyterorum nomina inducit.
- VI. Archiepiscoporum Burdigalenſium series & successio demonstrativa originis sua ex Apostolis.
- VII. Beza suis met verbis Ioanni Drueto redditum ad Catholicos aperit.

I. **Q**uemadmodum in scriptis veterum nō possumus sine admiratione legere pulcherrimum illum Ecclesiastice Hierarchiae ordinem, vbi apta quadam omoium regimini potestatumque connexione inferiores gradus respondent superioribus, ad summum vique, supra quem nulla est in hisce sublunaribus alia potestas. Ita ex adverso fieri non potest, vt quis adspiciat Ecclesiæ Reformatæ quæ dicitur, miserabilem Anarchiam, (quæ, misera, iactat æqualitatem suam, statim fæpe inæqualem & periculosam, damnataque ante annos milles ducentos in persona Ariji) quia simul mouetur commiseratione illius confusio-

*a Tertull. ad uxor. l.2. & decoro. Cypr. l.2. ep.3.
Greg. Nazian. orat. in Sanct. Bapt.*